

## 阿爸的向望

程惠如

見擺若聽著阿公阿媽綴因仔咧講華語，阮老爸就幌頭兼齣齣唸：「哎，天地顛倒反囉！」

二叔結婚了後就踫臺北，逐冬歸轉來庄跔過年，阿爸就共二叔講：「咱毋是外省人，是按怎無愛教因仔講母語？」二叔攏笑笑仔講，按呢後擺因仔讀冊較省對頭學華語。阿爸就會講：「按呢就毋著矣，你是叫咱阿母莫佻歸遮的臺北孫講話喔？」就因為二叔無聽阿爸的話，才會阿媽見擺看著遐的孫，就干焦會當叫歸的名，喝歸食飯，賭的就無才調講矣。叔伯小弟嘛干焦會當對阿媽躉躉仔笑，媽孫仔煞袂親。

歸讀小學四、五年的時，二叔佻二孀為著生理愛去美國出張十工，拜託阿媽去臺北鬥顧孫，共歸款內底。有一工欲暗仔，阿爸接著阿媽對臺北敲來的電話：「阿木仔，你敢會當佻阿維講一下仔電話咧，我聽無歸咧講啥？我問歸兩個敢欲食炒卵飯？歸一直幌頭，喝無愛，講欲食啥物『蛋炒換』啦！講到尾仔氣怱怱，叫我敲電話問你。」阿爸共阿媽講歸講的就是炒卵飯，嘛共小弟講阿媽有歲矣，去照顧歸誠忝，愛乖乖聽話袂當烏白使性地。二叔對美國轉來了後，阿爸就共二叔教示，講就是因為伊無教因仔臺灣話，

阿媽去臺北才會予遮的孫凌治，論真講起來，有影不孝。母過，尾仔毋是二叔無欲教，是叔伯小弟講，臺灣話誠恹無想欲學，按怎姑情都無效。

代誌毋是按呢就煞尾矣。大學畢業了後，兩個小弟綴二叔做藥仔生理，歸接接的客戶攏是醫生。想袂到佇臺北所在，醫生人煞全全講臺灣話的，歸做生理定定踢著鐵枋。有醫生因為歸袂曉講臺灣話，就無愛佻歸做生理。久來，袂勘得定按呢，翻頭怨嘆二叔佇歸細漢的時無教歸母語，害歸生理做甲遮艱苦，食甲欲三十才來學母語。

凡勢是按呢，阮阿爸的孫逐個都攏會曉講母語。阿爸講：「若是佻一个袂曉臺灣話的，伊就無欲認伊做孫。」好佳哉，阮攏知影阿爸的向望，無予伊失望。